




Jumat, 12 Nopember 2020
Ogen: Kuan-Kuanen 22:5-6



Pendidikan Seks Man Anak



Si mbue mpengaruhi kita salah sada eme budayanta. I bas budaya e lit i je kerna orat nggeluh. I bas orat nggeluh e maka lit i je iaturken apai si banci apai si la banci, apai si mereha apai si la mereha. Bage me pe orat nggeluh kalak Karo maka lit i je iaturken kerna apai si mereha ras si la mereha. Salah si mereha encakapkenca eme kerna "seks." Erdandanken si e maka menam labo lit percakapen kerna seks i bas jabu. Orang tua pe labo lit encakapkenca ku anak-anakna. Emaka anak-anak pe kerina ia reh belinna secara alamiah saja, janah idatna pemeteh e banci arah teman-temanna banci arah internet, banci ka sada bagin arah sekolahna.

Bagin Kata Dibata sendah mpersingeti kita mulihi gelah si ajarken uga kearusen nggeluh man anak-anakta. Salah sada kearusen nggeluh i jenda eme maka lit pendidiken seks man anak-anakta. Umpamana maka sekalak anak balita enggo ietehna ia dilaki entah diberu. Kune pe ipakena atena baju lawan jenisna beluh orang tua mereken pengajaren man bana maka labo e bajuna. Umur balita enggo banci ietehna maka la banci ise pe iberena guna ngkuit bagin vital i bas kulana. Bage me alu erbage metode banci kita peangkakenca man bana alu bentuk edukasi si positif.

Rata-rata anak si dungna banci ndatken pelecehen seksual banci erdandanken kurang tanggap nandangi kai si bakal terjadi man bana. Bage pe rata-rata kalak si lit gangguan orientasi seksualna erdandanken kitik-kitik nari kurang kita mereken perhatin si cukup nandangi perkembangan kula ras kejiwannana. Sendah enda me sada kesadarenta si perlu si eteh.